



Selasa, 25 Mei 2024

Ogen: Perbahanen Rasu 1:12-14



Palang Ras Kalak Si Tek



Adi kandu-kanduta pengusaha, dungna kita pe jadi pengusaha; adi kandu-kanduta perjuma piah dungna kita pe jadi perjuma; adi kandu-kanduta percikurak piah dungna kita pe jadi percikurak. Endam kata ajar si mekatép ituriken segelah metenget i bas mbangun pertemanen sada ras sidebanna.

Maria sekalak Diberu si enggo ngidah perbahanen Dibata i bas kegeluhen. Aminna pe ceda atena erkiteken anakna e enggo mate, dengen lanai ras ia, tapi tetap kal deherina persadan ajar-ajar Jesus e. Isaksikenna uga Jesus nangkih ku Surga. Kenca si e, tetap ia ras ajar-ajar nimai pemere Dibata si enggo ipadanken Jesus. Radumken ajar-ajar Jesus tutus kel atena ertoto. Lawes ku loteng rumah ingan numpang guna ertoto ras-ras. Perbahanen Maria enda njemba kita guna tetap ngeluh ras perpulungen. I tengah-tengah situasi si la tetap, la lit kejelasan dengen erbebe, tetaplah pulung ras kalak si tek. Tahun 2023 ibabai kita guna aktif ibas pelayanen (jemaat menjadi pelaku aktif dalam pelayanen). Nuate maka keaktifenta reh meningkatna bas tahun-tahun si ndube. Keatifen e labo situasional, tapi secara terus-menerus, subuk bas paksana sulit, susah, kelsehen, mberat ras sidebanna. Tetap bangun kiniersadan i bas perpulungen. I bas perpulungen kalak si tek e lit kap gegeh dengen semangat. E maka lanai lit alasen la aktif, la reh ku perpulungen erkiteken sangana mberat si man tangkelen entah latih rukur. Nehenlah Maria sebage moria si paguh, aminna sirang ras anakna jine, tapi tetap ideherina kalak si banci jadi temanna ertoto ras-ras, muji gelar Dibata dengen pulung guna mpebagesi pengangkan sura-sura Dibata. Pakekenlah kesempatan si lit guna banci pulung ras kalak si tek sabap e mereken ngaruh si mbelin i bas carata rukur, ngerana ras ngelakoken perbahanen man kalak sidebna. Sabap pergaulenta e mpengaruhi geluhta.

